

廿二史考異

北史三

廿二史攷異四十

錢大昕學

齊宗室諸王傳

趙郡王叡 其母魏華山公主也 下文云母元氏華陽長公主封號互異

清河王岳 王懋竝曰高岳爲鄴中四貴之一其恃權放縱蓋亦相當而傳不言其事此以士廉故諱之也于氏長孫氏多佳傳則以志寧與无忌之故長孫晟傳最錄冗而畧不筆削後梁主諸傳皆無貶詞房彥謙與張衡書蕪雜多難解而全載之又以蕭瑀房喬

故也魏長賢魏史不載以文貞故特爲立傳薛聰薛
孝通於魏史之外多有增益亦必本之薛收家傳以
此推之凡所褒稱未必皆當其實大昕按楊雄父子
之得佳傳以恭仁
故也令狐整父子之
得佳傳以德棻故也

子勸襲爵清河王改封安樂侯 按齊書以清河地在
畿內改封樂安王此云安樂侯者誤

南安王思好 斫骨光并奉使至州 廣韻漢複姓有
斫胥氏何氏姓苑云今平陽人此作骨字相似而譌
也恩倖傳作研胥光并研又斫之譌卽一人

神武諸子傳

永安王浚 保定初進爵爲王 保定當作天保

彭城王浹 史君在滄州曰 漢人稱刺史爲使君以

其奉使刺舉而言六朝人多稱刺史爲史君則以官
名有史字故也予家藏東魏興和二年敬顯儻碑額
題敬史君字晝分明高浹爲滄定二州刺史亦在東
魏時傳稱史君與石刻正合監本改史爲使所謂少
所見多所怪也

文襄諸子傳

廣寧王孝珩 齊叛臣乞扶令和 乞扶卽乞伏也

文宣諸子傳

攷異

北史三

二

范陽王紹義 遂卽皇帝位稱武平元年 元年當作
九年蓋後主以武平八年失國紹義逃奔突厥至次
年因高竇寧上表勸進乃稱帝仍用武平之號不自
改元也通鑑書此事於前一年乃云改元武平殊失
其實然因此知北宋本已誤九爲元而溫公亦未能
校正也

破六韓常傳

單于之裔也 按齊書常字保年附化人延壽削而不
書則總論中保年之於闐右 今刊本闕諺爲闐又 義
異策名二句殊無謂矣

初呼廚貌入朝漢 貌當作泉泉譌爲兒後人又妄加
豸旁

其子孫遂以潘六奚爲氏後人訛誤以爲破六韓 潘
破聲相近奚何聲相近何又轉爲韓也

尉長命傳

子興字敬興便弓馬有武藝位冠軍將軍 按齊書長
命子興敬高祖引爲帳內都督高祖攻周文帝于邕
山興敬因戰爲流矢所中卒贈涇岐豳三州軍事諡
曰閔莊北史綦連猛傳附載尉興慶事云苾山之役
興慶救神武之窘爲軍所殺超贈儀同涇州刺史諡

攷異

北史三

三

曰閱壯

神武本紀亦載與慶事

是與慶卽與敬矣乃不附其父

而別見它傳豈誤勿與慶與敬爲兩人乎

齊書作與敬蓋避齊

廟諱此傳作敬與則轉寫俱倒耳

任祥傳

祥字延敬 齊書作任延敬不云名祥

張保洛傳

贈前官追復本封 按齊書保洛子默言嗣武平末衛

將軍此傳失書

從神武出山東又有賀拔仁麴珍段琰尉標子相貴康

德韓建業封輔相范舍樂牒舍樂 按齊書無賀拔

仁范舍樂而有乞伏貴和令和兄弟北史別爲乞伏
慧立傳卽令和也故不及焉康德齊書作王康德封
輔相事又見范陽王紹義傳

張瓊傳

瓊子欣尙魏平陽公主除駙馬都尉與公主情好不篤
尋爲孝武所害 按后妃傳魏孝武妹平原公主適
開府張歡歡遇之無禮帝殺歡改封爲馮翊公主以
配周文帝卽此公主也齊史避諱改歡爲欣惟公主
封號一云平原一云平陽不免抵牾

慕容紹宗傳

攷異

北史三

吾自數年已還恒有蒜髮 蒜不成字當作蒜

元景安傳

魏昭成皇帝之五世孫也 北史於元氏子孫仕它姓者雖世系可攷皆各自爲傳不附入魏宗室篇殊有淡意

高隆之傳

齊受禪進爵爲王 上文不云封平原郡公而忽云進爵爲王與它傳例異延壽剛改舊史之文往往失當畧舉一隅可徵舊史之不可廢

庫狄士文傳

刺史羅殺政司馬蝮蛇頭 羅殺卽羅刹也

趙彥深傳

隱字彥深避齊廟諱故以字行 齊神武六世祖名隱也竇泰尉興慶皆歿於魏世故不避

魏收傳

自序漢初魏無知封高良侯子均均子恢恢子彥彥子歆歆子悅 按魏悅與李孝伯同時孝伯以女妻之蓋在太武之世自漢初至後魏太武時計六百餘年而無知至子悅僅傳六世此理之所必無者魏收自序今已不傳後人又取此篇補之要之必有脫文矣

無知封高良侯亦班史所無

唐書宰相世系表作高梁侯

正光五年南北二秦城人莫折念生韓祖香張長命相

繼構逆 地形志有秦州有南秦州未見北秦之名

蓋對南而言以秦州爲北秦也

敘傳李彥爲秦州刺史正光五年城人薛

珍等害彥推其黨莫折大提爲帥

則韓彭伊霍夫何足數 魏書尔朱榮論本作彭韋謂

大彭豕韋也此作韓彭亦後人妄改

其後羣臣多言魏史不實武成復敕夏審收又迴換遂爲盧同立傳崔綽反夏附出楊愔家傳本云有魏以來一門而已至是加此八字又先云恒農華陰人乃

改自云恒農人以配王慧龍自云太原人其失也

按史云加此八字不知所加何文今據魏書楊氏家傳末云一家之內男女百口總服同爨庭無間言魏世以來惟有盧淵兄弟及播昆季當世莫逮焉乃悟有魏以來一門而已八字乃是收之元本至是去此文而加入盧淵兄弟以配之耳方天保之世楊愔當國用事收爲其家立佳傳并稱其家門邕睦獨冠魏朝故愔感其意以抑塞訪史者及武成時愔已見殺而盧思道前以謗史獲辜今稱其家門之美盧淵思道之大欲以釋憾于思道也王松年前亦訟史不平故

改書楊氏自云恒農人以配王氏自云太原人亦以

釋憾于松年也

松年慧龍之後

崔綽附見其子鑒傳

博陵崔巖嘗以雙聲嘲收曰遇魏收衰曰思魏 齊書

祇有思魏衰收四字思與魏同聲衰與收同聲也此

文重沓不倫當改從齊書

飯房笊籠著孔嘲玕 孔與著非雙聲當是札之譌或

云著當作看

魏澹傳

詔澹別成魏史爲十二紀七十八列傳別爲史論及例

各一卷合九十二卷 按隋志魏彥深後魏書一百

卷卷數與此不合

周諸王傳

齊王憲

斛律明月時在華容

華容當作華谷斛律

光傳武平元年冬率步騎五萬於玉壁築華谷龍門

二城

李密傳

共你論相殺事何須作書傳雅語 按你字古書所無

北史始屢見之李幼廉傳齊文襄謂陳元康曰我教
你好長史處許善心傳我好欲放你敢如此不遜突
厥傳你能作幾年可汗隋書五行志武平元年童謠

曰狐截尾你欲除我我除你二年童謠曰和士開七月三十日將你向南臺皆齊隋人語也廣韻你乃里切秦人呼傍人之稱

宇文愷傳

堂脩二七博四脩一 此引考工記改廣爲博避煬帝名也下文引胡伯始注漢官亦避廣字因稱其字

侯莫陳崇傳

隋文大業初以譴流配嶺南 文字衍

王盟傳

父熙伏波將軍 此又一王熙

賀蘭祥傳

拔其洮陽洪和二城以其地爲洮州 隋志澆河郡河
津縣後周置洮河郡開皇初郡廢而不詳洮州建立
本末

史寧傳

轉東義州刺史東魏亦以胡黎苟爲東義州刺史 按
魏收志有兩義州一寄治汲郡一不言所領郡縣但
云蕭衍置武定七年內屬據隋志羅田縣梁置義州
義城郡當卽此矣而未見東義州之名

斬其洛安郡守馮善道 洛安蓋東義州屬郡魏志亦

未見

權景宣傳

廼授并安肆郢新應六州諸軍事并州刺史 此西魏
所置之并州治隨郡非晉陽也安州治安陸郡肆州
治下澆皆西魏置新應二州則梁所置也新州本新
陽縣梁置州及梁寧郡今京山縣應州本永陽縣梁
置州卽今應山縣

永州刺史蕭世怡 此永州在汝南隋志汝南郡城陽
縣後魏置城陽郡梁置楚州東魏置西楚州後齊曰
永州魏收志西楚州治楚城卽此永州也

王思政傳

并州刺史行臺如故仍鎮玉壁 是時西魏未得并州
思政以并州刺史鎮恒農又移玉壁皆遙領非實土
也

尉遲迥傳

紀安州刺史樂廣以州先降 按隋志普安郡梁置南
梁州後改爲安州

樂運傳

南陽清陽人 按魏隋二志南陽郡無清陽縣清當作
清

遂左遷運爲廣州泲陽令 此廣州當治魯陽而隋志
不見泲陽縣之名

蘇威傳

治書侍御史梁毗劾威兼領五職 北史避唐諱治書
侍御史皆去治字惟此傳及皇甫誕劉昉傳有治字
亦校書者所增

韋孝寬傳

拜右將軍南幽州刺史 幽當作幽唐永傳行臺蕭寶
寅表爲南幽州刺史亦幽字之譌魏時無南幽州也
以功除浙陽郡守 浙當作浙

遣其揚州刺史牛道恒 按東魏置陽州於宜陽此揚

字當爲陽

孝寬因令曲巖作謠歌曰百升飛上天明月照長安百

升斛也又言高山不摧

祖瑛傳
作推

自崩榭樹不扶自豎

令謀人多齋此文遣之於鄴祖孝徵旣聞夏潤色之
此事已見祖瑛斛律光傳三處重複何不去二存

一
韋壽傳

歷位恒尾二州刺史 尾當作毛隋置毛州於館陶縣

韋洸傳

及陳平拜江州總管 隋時江州嘗置總管府而隋志

失書

韋師傳

于時廣爲雍州刺史存望第以司空楊雄尙書左僕射

高頴竝爲州都督引師爲主簿 州都下疑衍督字

魏晉以後諸州皆置大中正以甄別流品隋時避諱

改爲州都而去中正之名後人校書不達州都爲何

語妄加督字隋書旣然北史亦尔真所謂以不狂爲

狂也高頴自言勃海裔人而得爲雍州州都者頴賜

姓獨孤獨孤爲代北貴族周隋之世代人例稱京北

人也韋氏京兆望門師又爲州主簿而世約位在師下故世康以州都不平爲恨此何與都督事乎據本紀場帝時爲雍州牧非刺史當從隋書作牧爲是

王勇傳

大軍不利惟胡仁及王文達耿令貴三人力戰 大軍上脫邙山之戰四字

劉雄傳

臨洮子城人也 魏志臨洮郡無子城縣

泉仲遵傳

遂於上津置南洛州 按隋志西城郡豐利縣下云梁

文異

北史三

置南上洛郡西魏改郡曰豐利後周省郡入上津郡
而不言置南洛州史之漏也

改巴州爲洵州隸于仲遵 此巴州非清化之巴州亦
非閩中之巴州隋志西城郡金川縣下云後周置洵
州尋廢者卽此而不云嘗爲巴州則志之闕也

扶猛傳

猛仕梁位南洛北司二州刺史 據此則梁時亦有南
洛州大約置於蠻地

割二郡爲羅州 隋志房陵郡竹山縣梁曰安城西魏
入焉置羅州卽此州也二郡之名未詳

席固傳

後轉湖州刺史 此湖州治春陵郡之湖陽縣卽後魏之南襄州也

豆盧寧傳

羌帥傍乞鐵公 趙剛傳作傍乞鐵忽

韓禽傳

拜禽廬州總管 廬州置總管府隋志失書

申徽傳

先是東陽王元榮爲瓜州刺史其女壻劉彥隨焉 令

狐整傳作鄧彥

元定傳

父道龍鉅饒郡守 按史漢鉅鹿之鹿皆不从金旁俗人因上一字例加之然漢尹宙碑分趙地爲鉅饒則東漢已有此字矣後魏孝文帝比干文碑陰有鉅饒伯魏祐

楊惲傳

正平高涼人也 按魏志高涼亦郡名與正平同隸東雍州

南汾二絳 二絳謂南絳北絳也

劉璠傳

嘗於新渝侯宅因酒後詎京兆杜杲曰寒士不遜 按
杜杲祖父世仕魏朝杲又未嘗流竄江左何緣在梁
新渝侯宅乎周書作杜騫當從之

高頊傳

俄而上柱國王積以罪誅 卽王世積也王懋竝曰北
史例不避世字此卷世室作代室王世積去世字與
它卷例異李德林傳稱晉王諱而不名亦與它傳異
每卷末各有總論而此卷無之疑北史闕此卷後人
別據它書補之

牛里仁傳

晉秘書監荀勗定魏內經更著新簿勗著中經簿此

稱內經者避隋諱也隋文帝父名忠并諱中字祖名
禎并諱貞字李孝貞字元操開皇初以犯廟諱稱字

黃曰神升升當作斗

案晉內書監荀勗本中書監避諱改

李德林傳

神武公紇豆陵毅卽竇毅也此傳獨書賜姓與它篇

異

宜作大丞相假黃鉞都督內外諸軍事是時隋未受

禪不當避中字蓋史家追改之下文云授丞相府從

事內郎亦是追改

初德林稱其父爲太尉諮議以取贈官李元操陰奏之
曰德林父終於校書矣稱諮議 按隋志校書郎正
九品親王諮議參軍事則正五品

郭衍傳

先屯京口於貢州南與賊戰敗之 隋書作貴洲

袁充傳

唐堯景辰生景子年受命 按袁充以唐堯受命在丙
子歲本於汲家紀年其云堯四十九年甲子天正十
一月庚戌冬至未審出何書也今世俗以甲辰爲堯

元載出於皇甫謐帝王世紀而劉恕通鑑外紀又以
戊辰爲堯元年世代解遠宣尼所不言史遷所未錄
皆當在存而不論之例

李雄傳

父棠名列誠義傳 按北史有節義傳無誠義傳延壽
於外戚文苑良吏酷吏諸篇有家傳可附者例皆歸
并李棠父子何以獨殊亦不可解

段文振傳

北海期原人也 按隋志北海無期原縣

樊子蓋傳

會來護等救至 按周法尚衛文昇樊子蓋諸傳及總
論皆稱來護兒爲來護是當時有此稱非史脫文

李景傳

天水休官人也 隋志天水無休官縣

張森傳

本名犯廟諱 南北史於犯諱改名皆不言本名獨此
傳及之蓋本名大淵避諱連爲一字

宇文述傳

時鐵勒契弊歌稜攻敗吐谷渾 契弊卽契苾也

宇文文化及傳

友異

北史三

七五

時士及在公主第弗之知也 士及爲唐宰相史家曲
筆爲之解脫恐非其實

外戚傳

今以劉羅辰李峻等附其家傳 按李崇傳畧不及峻

事與此文不相應

又檢楊騰乙弗繪附之魏末 按乙氏自有家傳繪又
無事迹可稱正當類敘以省繁複何須別入外戚邪
李氏徒見魏澹書有此二人亟爲附益而不知乙弗
氏之卽乙氏乙弗莫瓌之卽乙瓌若以乙弗后與乙
瓌兩傳參校去其重沓又以繪附其父瓌之後庶幾

簡而有法矣予嘗論史家先通官制次精輿地次辨氏族否則涉筆便誤

馮熙 聿同產弟風幼養于宮文明太后特加愛念數歲賜爵至北平王 按孝文紀太和二年正月封昌黎王馮熙第二子始興爲北平王始興與風殆一人也紀稱始興爲熙第二子今據此傳熙子誕誕弟脩脩弟聿聿弟風則風爲第四子但誕脩皆公主所生而聿與風庶出同母聿爲廢后同產兄其年未必小於脩傳以聿爲脩弟恐未必然

胡長仁 先是太白食昴占者曰昴爲趙分不利胡王

長仁未幾死 按胡長粲傳除趙州刺史先是望氣者上言太白食昴尙書左僕射徐之才語和士開曰昴趙分或云趙地有災古者王侯各在封邑故分野有災當其君長今吾等虛名竟不之國刺史專令一境善惡所歸比來多以刺史爲驗未幾而長粲死焉此卽一事而傳聞異辭當以彼傳爲是長粲爲趙州刺史星犯趙分故當其咎與胡姓何預焉延壽兼存之且在一卷之中未免冗而疏矣

子君璧襲爵隴東王君璧弟君璋 按祖珽傳皇后兄胡君瑜君瑜兄梁州刺史君璧君瑜與君璋未知卽

一人否而君璧爲梁州刺史則此傳失書

儒林傳上

中山張彫武 按下文敘諸儒通春秋者祇稱張彫齊本紀文苑傳亦作張彫崔季舒傳作張雕蓋本名彫虎或改爲武或夫其下一字也彫彫古通用

又有衛覬陳達潘叔虔 此三人皆傳服氏春秋者衛覬蓋卽衛冀隆也賈思同傳國子博士遼西衛冀隆精服氏學上書雜杜氏春秋六十三事思同復駁冀隆乖錯者一十餘條互相是非積成十卷思同卒後魏郡姚文安樂陵秦道靜復述思同意今春秋正義

往往引衛冀隆秦道靜說是二家之書雖亡而未盡
亡也蘇瓊傳除南清河太守每年春總集大儒衛覲
隆田元鳳等講於郡學覲與冀音義相同此傳又脫
隆字

劉獻之 儻不能然雖復立身之道有何益乎 雖復
下有脫文魏書云雖復下帷針股躡屨從師正可博
聞多識不過爲土龍乞雨眩惑將來其於立身之道
有何益乎凡多二十七字

石曜 中山安善人 袁延禱曰善當作喜

李業典 梁武帝問尚書正月上日受終于文祖此時

何正業與對曰此夏正月梁武帝問何以得知業與
曰案尚書中候運衡篇云日月營始故知夏正 按
業與据中候文證正月爲建寅之月以月令孟春日
在營室故也攷堯時冬至日在虛則建寅之月日躔
當在奎婁已過營室一次不得云營始業與未通歲
差故有此言

九百八十七爲升分 升當作斗

邢峙 河間鄭人也 鄭當作鄭權會黎景熙傳皆誤
作鄭

張景仁 家貧以學書爲業遂工草隸 景仁工書小

技又非精通六書如江式之比不當列於儒林史家
因馬敬德而附及之篇首敘諸儒傳授初無景仁名
也目錄當小字分注於馬敬德之下今刊本皆作大
字別爲一行殊失史家之旨

文苑傳

比於建安之徐陳應劉元元之潘張左東元元當作

元康

范陽盧思道安平李德林河東薛道衡趙郡李元操

上文已見諸人姓名

元操卽孝貞也

此更舉其族望於義無

當

河東柳誓 誓當作晉讀如辯論之辯此六朝俗字所

謂巧言爲辯也隋書作晉唐人石刻亦多作晉字

李文博 通說不持威儀 悅卽脫字之俗北史多俗

字考爲拷

討古真段孝言李惠等傳聽爲廳

楊津

算爲宰

慕容紹

稱爲秤

王羅

名腹爲肚熊安呼尔爲你

李幼廉許善心李密等傳

循吏傳

蘇瓊 除南清河太守 隋志高唐縣後魏置南清河

郡

零陵縣人魏雙成 魏志南清河有零縣無零陵縣陵

字衍

攷異

北史三

九

藝術用上

檀特師 大統十七年春初忽著一布帽至三月而魏文帝崩復取一白絹帽著之未幾丞相夫人薨後又著白絹帽尋而丞相第二兒武邑公薨 按宋獻公震傳大統十六年封武邑公其年薨是卒于魏文帝之世與此傳不合

顏惡頭 兌上天下土是今日庚辛本宮火故知卜父予謂兌之履上六一爻變也上六丁未土土生金金爲兌本宮土則本宮之父也未土一爻特變故知爲父而卜當云兌上六丁未土譌六丁爲天下又脫

未字也火當爲父字之譌

今三月土入墓又見宗廟爻發故知死 土生于申墓
于辰三月建辰土入墓也上爻爲宗廟

變見生氣故知蘇 上爻丁未變爲壬戌土土爲本宮
父母卽生氣也

兌爲言故父言故知有言 故父言三字恐有譌乾爲
父兌化爲乾故知父有言

未化入戌爲土三月土墓戌又是本宮鬼墓 兌爲金
宮金以火爲鬼火墓于戌故云本宮鬼墓

未後三日至戌故知三日復死 戌爲鬼之墓未至戌

凡三日

信都芳 渾天覆觀以靈憲爲文蓋天仰觀以周髀爲
法覆仰雖殊大歸是一 按渾蓋二家其原皆出於
馮相氏而周髀一書猶存三代之遺言自揚子雲著
論抑蓋而申渾後之言天者多宗之而蓋天之義幾
晦近世歐邏巴人入中國製器有渾蓋通憲之名而
後步天家始知蓋之不悖于渾然攷之梁世崔靈恩
已有渾蓋合一之論北齊信都芳亦云覆仰雖殊大
歸是一則古之人固有先得我心者矣

陸法和 既入荊州汶陽郡高要縣之紫石山 按宋

書州郡志汝陽領僮陽沮陽高安三縣隋書地理志
遠安縣舊曰高安置汝陽郡此作高要者誤也高要
在嶺南與此不相涉

藝術傳下

徐審 丹陽人也家本東莞與兄文伯等皆善醫藥

按南史稱東海徐文伯此云家本東莞當有一誤南
渡後東海郡僑治京口故審得爲丹陽人然南史載
宋文帝云天下有五絕而皆出錢唐其一謂徐道度
療疾也道度卽文伯之父則文伯當居錢唐矣或審
與文伯雖爲兄弟行而所居異地乎

文伯仕南齊位東莞太山蘭陵二郡太守子雄員外散
騎侍郎 按南史文伯除鄱陽王常侍雄位奉朝請
與此傳所載歷官互異

恩倖傳

王遇 與雷党不蒙俱爲羌中強族 雷一姓也党一
姓也不蒙一姓也魏書太祖紀有羌酋不蒙娥不蒙
或作夫蒙廣韻羌複姓有夫蒙氏後秦建威將軍夫
蒙大羌古音不如柎故與夫同

契丹傳

契丹犯塞文帝親戎北討 文帝嘗作文宣

蠻獠傳

延昌元年拜南荊州刺史居安昌隸於東荊 按南荊州不見於地形志攷隋志春陵郡後魏置南荊州其屬縣春陵舊置安昌郡此卽延昌所置之南荊也

氏傳

後爲乞佛乾歸所殺 乞佛卽乞伏也佛伏聲相近 盛雖蕃于宋仍奉晉永熙之號 永熙當作元熙

匈奴宇文莫禰傳

匈奴宇文莫禰出遼東塞外 按匈奴宇文氏徙河段 氏與慕容石氏同時攷其興廢始末皆在後魏登國

以前魏收意在誇大皆編入魏書北史懲收之失凡
劉石苻李諸傳皆所不取則此二篇亦當在芟汰之
例矣

突厥傳

號伊利俱盧設莫何始波羅可汗一號沙鉢畧 予謂

沙鉢畧卽始波羅之轉譯語無定字非有兩號也

處羅侯竟立是爲葉護 按長孫晟傳遣晟持節拜處

羅侯爲莫何可汗彥閭爲葉護可汗與此不同

敘傳

信孫元曠仕漢爲侍中元曠弟仲翔位太尉 按晉書

涼武昭王傳稱仲翔漢初爲將軍此云太尉者誤也
漢初爲太尉者惟盧縮周勃灌嬰三人

除唐州下澆郡太守 按隋志西魏改瀛西縣爲下澆
不言隋置下澆郡

孝文初除長安鎮都將轉西汾州刺史 按魏志無西
汾州

延寔以太保犯祖諱 延實祖名寶而辭太保之官猶
唐人譏李賀父名晉肅不當舉進士也

唐書一

廿二史攷異四十一

錢大昕學

目錄

本紀第十 哀皇帝 濟陰王之弒也 朱溫諡之曰哀
皇帝 本紀書昭宣光烈孝皇帝 則後唐追諡也不用
溫所諡 而稱後唐所加之諡 惡溫之篡弒也 凡目錄
仍書哀皇帝 諸列傳亦多稱哀帝

志第一至第十二 舊唐書分禮儀音樂爲二 新史合
爲一

志第十三 儀衛選舉兵志三篇 舊書無之

第十四 車服舊書作輿服

第三十六至三十九 百官舊書作職官

第四十七至五十 藝文舊書作經籍

表第一至十五 宰相方鎮宗室世系宰相世系四篇
舊史皆無之

列傳第一 武后舊書有紀而無傳新史於編年之外
別采事實爲傳而不去本紀之目較之沈既濟之說
爲優

第二 懿宗淑妃郭氏恭憲皇后王氏舊史皆無傳

第三 李涵李漢李國貞李昂李齊物李復李說舊史

俱別傳李從晦李戡則新史增入

第四 嗣虢王巨舊史別傳新目錄不見巨名脫文也
前史宗室諸王傳各依時代與諸臣相次李延壽南
北史始彙列於諸臣之前而唐以後史家皆因之

第五 李暉李皋皋子象古道古舊史別傳李之芳舊
附蔣王暉傳

第六 李景儉舊史別傳嗣薛王知柔新史增入

第八 舊書無公主一篇平陽公主附柴紹傳太平公
主附外戚傳

第十三 舊書以裴寂列功臣之首今更以劉文靜居

首而寂次之傳末附出諸人亦承舊史而增姜寶誼
元仲文秦行師三人馬三寶本附柴紹傳亦移入此
篇劉義節卽世龍也

第十四 唐次子扶持培子彥謙舊史在文苑傳段
文昌子成式舊史別傳

第十五 劉崇望崇龜崇魯舊史別傳

第十六 溫造子瑋舊史別傳溫庭筠舊在文苑傳崔
善爲李嗣真舊在方技傳溫估溫庭皓新史增入

第十七 李子和舊史附梁師都傳苑君璋附劉武周
傳王君廓附盧江王瑗傳

第二十 高重新史增入

第二十一 舊書以杜元穎與孟簡胡證諸人合傳審
權父子與卑誠劉瞻劉瑑曹確諸人合傳

第二十二 魏謩舊史與李讓夷周墀諸人合傳

第二十四 樂彥瑋舊史別傳今附出劉洎傳李安靜

新史增入

第二十五 世宗萬紀懷恩蔣儼韋宏機岳子姜師度強

循張知審舊史俱在良吏傳按師度仕元宗朝知名
而知審兄弟仕宦乃在武后之世先後亦稍失次

第二十六 舊史蕭嵩父子與崔日用張嘉貞張九齡

諸人合傳蕭復與張益劉從一柳渾合傳蕭倪兄弟
與令狐楚牛僧孺李石合傳蕭遵與孔緯韋昭度張
濟諸人合傳蕭定在良吏傳

第二十七 姚壽舊史別傳

第二十八 蘇弁舊史在儒學傳

第二十九 于休烈于教于琮舊史別傳龐嚴本附元
微之傳今亦移附此篇張易之昌宗雖爲行成族孫
而人品清濁懸殊當別立佞幸傳與薛懷義輩合爲
一篇而新舊兩史俱附之行成傳失懲勸之旨矣

第三十 長孫順德舊史別傳

第三十一 崔知溫高智周舊史在良吏傳趙宏智傳

在孝友傳邢文偉高子貢舊在儒學傳劉從一舊別

傳目錄有杜求仁石仲覽二人仲覽初無事實僅於

高智周來濟傳略見其名本非附傳之體不當列名

目錄且如蔣子慎及其子緡孫挺曾孫泐渙元孫鍊

銖俱附山智周篇中若依仲覽之例一一書之不幾

成黜鬼簿乎杜求仁事亦無多又見徐敬業傳亦無庸列名

目錄蓋修史諸臣欲誇其搜羅之富而溢書於附目

者也杜咸趙來章新史增入

第三十二 陳子昂王無競舊史在文苑傳趙元新史

攷異

忠書一

四

增入

第三十三 裴俱裴倩裴均新史增入

第三十四 竇懷貞舊史在外戚傳祝欽明郭山惲舊
在儒學傳宗楚客舊附蕭至忠傳王珙舊與李泌造
造關播等合傳璵乃方慶六世孫且係德宗朝宰相
而躡居方慶之前殊爲不倫

第三十五 史大奈馮子猷契苾明泉男生泉獻誠論
弓仁論惟貞百舊史所無李湛舊附其父義府傳今
移附李多祚傳

第三十六 薛訥薛嵩舊史俱別傳王方翼舊在良吏

傳

第三十七 王義方蘇安恒王求禮蔣清舊史在忠義傳馮元常元淑蔣沆在良吏傳員半千在文苑傳柳澤舊附曾祖亨傳今反以亨附澤并附出從祖範與二人夫史家之有附傳如列國之附庸年代以後從前親屬以卑附尊斯爲得之澤仕開元時而範與乃太宗高宗朝臣先後殊乖刺矣若以與與褚遂良韓瑗來清同篇而以範附之或取範事入權萬紀傳乃台史法韓思彥新史增入

第三十八

徐彥若舊史別傳其父商事亦見彥若篇

第三十九 舊史別立崔慎由傳父從伯父能弟安潛
能子彥曾俱附焉

第四十 郝處俊相高宗狄仁傑朱敬則皆相武后不
當列處俊于仁傑之後

第四十一 王遂韋宏景舊書別傳李日知舊在孝友
傳杜景佺舊史作景儉王搏陸希聲則新史增入也

第四十二 吉頊舊史在酷吏傳裴仙先新史增入

第四十三 韋見素舊史別傳以子諤孫顓附焉韋維
韓朝宗宋務光呂元泰皆新史所增務光封事舊史
五行志詳載之今移入列傳得其所矣李渤裴濟李

廿三人與張廷珪輩年代相隔當別爲一篇列於元和長慶弼臣之次

第四十四 武平一舊史無傳賈曾父子舊在文苑傳白居易與平一輩時代相隔已遠而文章風節亦復過之當與韓愈同傳而以敏中別入宰相之列

第四十五 薛季昶楊元琰舊史在良吏傳崔渙袁高舊皆別傳盧襲秀崔碣新史增入

第四十七 韋叔夏舊在儒學傳韋縉新史增入

第四十八 韋巨源趙彥昭舊附韋安石傳和逢堯舊附良吏傳

第四十九 姚合姚勗舊史無

第五十 蘇說蘇震蘇幹舊史無

第五十一 杜鴻漸韓況張仲方舊皆別傳泚子舉弟

泚皆附泚傳

第五十二 張延賞舊史別傳子宏靖孫文規等附焉

第五十三 許景先席豫齊泚舊在文苑傳潘好禮倪

若水舊在良吏傳齊抗舊別傳

第五十四 裴守真崔沔舊在孝友傳嚴武嚴綬舊皆

別傳

第五十五 楊嶠宋慶禮楊瑒崔隱甫李尚隱舊在良

史傳表諸表皆傳

第五十六 李峴舊附其兄恒傳宗室宰相十一人
以屬疏宗閔以朋黨林甫以檢壬不入此舊舊史無
此目

第五十七 劉敦儒舊在忠義傳柳芳舊附其子登傳
沈既濟舊附其子傳師傅今以芳既濟標目而以其
子附之較舊史爲長劉迅著述已見於元德秀傳不
必更立傳也

第五十八 郭英又張獻誠舊皆別傳獻恭獻甫煦皆
附獻誠傳

第五十九 盧鉉舊在酷吏傳今以事附見此篇不當

列名目錄

第六十一 荔非元禮李國臣張伯儀白元光陳利貞
侯仲莊烏承玘諸人皆新史增入者

第六十二 郭承嘏舊史別傳

第六十三 李嗣業京兆人非出於蕃落舊史與馮盎
契苾何力輩同傳殊非其倫新史依時代列於李郭
之後馬璘李抱玉之前亦較舊史爲長

第六十五 呂誣舊在良吏傳裴樞等之次乃朱梁穆
鼎之漸樞宜與陸展王溥諸人別爲一篇

第六十六 崔暉舊別傳

第六十八 王正雅舊別傳族孫凝附焉薛珏舊在良吏傳元結戴叔倫徐申皆舊史所無

第六十九 裴戎舊別傳

第七十 黎幹庾準舊皆別傳吳通元舊在文苑傳嚴
郢舊史無

第七十一 舊史有李吉甫傳而無栖筠傳攷吉甫傳云父栖筠國史有傳則是本有而今失之也

第七十二 王難得舊在外戚傳卽王子顏之父也馮河清舊附張盜傳李元素舊附李澄傳

攷異

唐書一

八

第七十三 張孝忠田宏正舊史與田承嗣同傳李汧
劉潼王承元史孝章舊附其家傳今皆別而出之所
以獎忠義也李惟簡乃心國家亦當移入此篇康日
知牛元翼舊史無

第七十四 盧徵李若勿于頔舊皆別傳

第七十五 舊史有趙仁本傳今附見其曾孫懔傳

第七十六 陸長源劉全諒舊皆別傳袁滋舊在良吏
傳董溪事新史增入

第七十七 李絳武元衡當與杜黃裳等同傳宋申錫
亦當別見新史特以相業不終類而列之究不若以

時代分先後也

第八十三 劉開當入叛臣傳

第八十四 吳湊柳晟舊在外戚傳閻濟美舊在良吏傳樊宗師事據韓退之墓志增入

第八十五 劉伯芻舊附其父頊傳今以迺入忠義而伯芻父子仍入列傳崔龜從舊別傳

第八十六 徐岱馮伉舊在儒學傳王仲舒舊在文苑傳庾敬休舊在忠義傳

第八十七 舊史有獨孤郁傳而無及顧少連舊史無
第八十八 孔緯舊別傳

第八十九 崔衍丁公著舊在孝友傳薛萃舊在良吏傳盧景亮王源中舊史未見

第九十 舊史有鄭單傳而無珣瑜

第九十一 杜孺休杜顛新史增入

第九十三 陸質舊在儒學傳陳諫等四人附出叔文傳中不當列名目錄

第九十四 韋溫舊別傳

第九十五 任迪簡舊在良吏傳郝玘史敬奉舊皆別傳

第九十六 李珙舊別傳石洪據韓退之墓志增入

第九十七 范傳正舊在良吏傳

第一百 張又新舊附其父薦傳新史以其名在八關十六子之列故又別而出之詞多重復殊無謂也

第一百一 皇甫湜盧仝賈島劉义皆新史所增李翱李漢亦可移入此篇

第一百二 崔咸舊在文苑傳韋表微舊在儒學傳李景讓兄弟舊附李愬傳鄭薰敬晦韋博皆新史所增舊有敬括傳今附其子晦傳

第一百三 劉蕡舊在文苑傳

第一百七 盧商夏矧孜舊別傳蕭鄴盧簡方韋琮裴

坦鄭延昌王溥盧光啟韋貽範皆新史所增子謂蕭
鄴韋琮王溥盧光啟之徒雖居宰相初無表見紀表
已列其名不必更爲立傳

第一百八 韓偓舊史無

第一百十 土鐸舊附王播傳

第一百十一 周寶鄧處訥雷滿陳儒劉巨容馮行襲
趙德諲楊守亮楊晟顧彥朗彥暉皆舊史所無

第一百十二 李罕之王敬武孟方立皆舊史所無

第一百十三 楊行審孫儒舊史無朱宣舊史作瑄

第一百十四 高仁厚趙犖田頔朱延壽舊史皆無

第一百五 劉建鋒成濟杜洪鍾傳劉漢宏張雄王潮劉知謙舊史皆無五季十國惟行密潮知謙三人卒於唐世故入唐臣之列李茂貞錢鏐皆終於後唐故不入唐史

第一百十六 王行敏盧士叡李育德吳保安皆舊史所無舊史忠義有王義方蘇安恒王求禮今改入列傳成三郎尹元貞俞文俊附見武后傳馮立在敬君宏傳燕欽融郎岌在王同皎傳

第一百十七 賈循雷萬春舊史無賈隱林舊在列傳今附於循傳

第一百十八 張興蔡廷玉孟華周曾黃碣孫揆皆舊

史所無舊史忠義有庾敬休今改入列傳甄濟入卓

行傳邵真附見藩鎮傳趙驛

舊史从日海

見其子宗儒傳

劉敦儒見其祖知幾傳舊有符璘傳今以其父令奇

標目而璘附之

第一百十九 舊史無卓行之目元德秀司空圖在文

苑傳甄濟在忠義傳陽城在隱逸傳權舉見其子德

輿傳又舊史陽城傳不見何蕃名新史據韓柳二集

附益之

第一百二十 舊史孝友傳有趙宏智裴守真李日知

崔沔崔衍丁公著今改入列傳羅讓附其父珣傳王
君操周智壽智爽見張琇傳智壽兄弟舊史姓周而
新史作同蹄同蹄羌復姓此必校書家不學以同與
周字形相似而妄改耳新史增任敬臣支叔才程袁
師武宏度宋思禮鄭潛曜沈季詮許伯會侯知道程
俱羅許法慎林攢陳饒奴士博武萬敬儒章全益一
十六人又於張琇傳末增趙師舉徐元慶余常安梁
悅康買得五人悅及買得舊史刑法志有之買得事
又見于舊本紀元慶事則采柳宗元文補入也知道
俱羅二人本之李華二孝贊傳末又載李興事而取

柳宗元孝門銘以實之此諸人名宜著於目錄序末
有張士巖焦懷肅張進昭張公藝四人亦宜列目中
也舊史有許坦今未見

第一百二十一 孫思邈孟詵舊在方技傳武攸緒在
外成傳賀知章在文苑傳舊史隱逸傳有王守慎徐
仁紀孫處元王遠知四人新史移遠知入方技篇而
刪去守慎仁紀處元三人增入朱桃椎秦系張志和
陸羽陸龜蒙五人盧鴻舊史作盧鴻一

第一百二十二 舊史良吏有崔知溫高智周韋機權
懷恩馮元常蔣儼王方翼薛季昶張知壽楊元琰倪

若水楊疇宋慶禮姜師度強循潘好禮楊瑒崔隱甫
李尚隱呂誼蕭定蔣沆薛珏任迪簡范傳正袁滋薛
莘閻濟美新史改人列傳而添羅响韋丹盧宏宣薛
元賞何易于五人韋丹事采韓退之所撰墓志何易
于則采孫可之文也舊史又有李君球李游揚茂謙
三人新史削去以游附見于麟傳茂謙附韋景駿傳
君球諫親征高麗事見高麗傳

第一百二十三 顏師古孔穎達舊在列傳賈大隱公
彥之子舊史以公彥標目今附張士衡傳而以大隱
題目谷從政慷慨志士當在忠義之篇今附見儒學

傳似非其倫

第一百二十四 徐堅馬懷素舊在列傳徐齊聃孔若
思舊在文苑傳殷踐猷舊附韋述傳沈伯儀彭景直
張齊賢皆舊史所無

第一百二十五 褚无量元行沖舊在列傳徐安貞陳
貞節施淑本盧履冰王仲邱康子元疾行果趙冬曦
尹愔陸堅鄭欽說盧僎啖助韋彤陳京暢當林蘊皆
舊史所無本履冰仲邱子元皆取舊禮儀志之文
京議禘祫一篇亦多取禮儀志文惟增入韓愈王權
二議耳欽說傳惟載鍾山璜銘一事然梁大同四年

任昉卒已久小說荒誕之談何足采錄乎舊儒學有
邢文偉高子貢韋叔夏祝欽明郭山暉徐倚蘇弁陸
質馮伉韋表微新史皆改入列傳舊列傳有暢璉今
附子當傳

第一百二十六 舊史有文苑篇今易爲文藝舊以劉
允之標目新史改以延祐標目蓋避宋諱也舊以杜
審言附易簡今以易簡附審言杜甫舊在別卷今移
附審言之下舊文苑有張蘊古今附見謝偃傳

第一百二十七 呂向鄭虔蘇源明皆舊史所無李適
子季卿據舊史爲宰相李適之子攷宰相世系表

適之子名書不名季卿則舊史誤也王翰舊史作泚
此刊本之譌

第一百二十八

劉太真邵說于邵崔元翰于公異李

益李賀舊在列傳盧綸舊附其子簡辭傳吳武陵舊
附兄子汝納傳李觀歐陽詹李頰吳融皆舊史所無
也舊史文苑有郭正一員半干陳子昂賈曾許景先
席豫齊澣吳通元王仲舒崔咸劉蕡唐次温庭筠新
史改入列傳徐齊聃入儒學傳賀知章入隱逸傳元
德秀司空圖入卓行傳孔紹安附見儒學傳李巨川
附見叛臣傳李拯附見列女傳又有孟利貞董思恭

三 汝鄧元挺喬知之新史俱刪

第一百二十九 李淳風舊在列傳王遠知舊在隱逸傳杜生美撫則舊史所無舊史方技有崔善爲李嗣真新史改入列傳孫思邈孟詵入隱逸傳僧元奘神秀一行則新史刪之一行造大衍歷議及山河兩戒說則天文歷志詳載之矣舊史列傳有傳仁均今附見淳風傳

第一百三十 房元齡妻李翁母汴女李堅貞節婦李符鳳妻玉英高敷妻秦玉琳妻韋虛惟清妻徐饒娥金節婦高愍女楊烈婦賈直言妻董李孝女妙法段

居貞妻謝揚舍妻蕭鄭孝女李廷節妻崔殷保晦妻
封竇烈婦山陽女趙周迪妻朱延壽妻王皆舊史所
無李拯妻盧舊史附見拯傳新書刪拯而以盧入列
女此其異也子謂楚王靈龜之妃房元齡高啟賈直
言之妻李俞之母皆可附見列傳史家誇多分爲二
科爾舊史列女有魏衡妻王氏新史附薛仁果傳女
道士李元真附越王貞傳又有朱庭瑜妻魏氏今檢
未見

第一百三十一 武士獲楊國忠李脩傳在列傳鄭光

舊史所無 袁龍例兩口則舊史李景讓傳見之舊

外戚有竇懷貞吳湊柳晟新史改入列傳竇德明附
見竇德元傳長孫敵附見長孫无忌傳王子顏附見
王難得傳吳澈入忠義傳惟竇覲一傳新史刪

第一百三十二 馬存亮嚴遵美舊史無仇士良舊附
王守澄傳劉季述韓全誨舊附楊復恭傳劉貞亮卽
俱文珍也

第一百三十三 劉克明舊史無按宦者十六人當以
時代先後爲次李輔國宜在程元振之前王守澄宜
在仇士良之前田令孜宜在楊復光之前

第一百三十四 崔器舊在列傳舊酷吏有吉頊傳游

蕤新史以瑣入列傳游蕤入姦臣傳

第一百三十五 舊史無藩鎮之目新史別立此篇列於四裔之前所以淺惡之

第一百三十七 劉仁恭舊史無

第一百三十九 李祐董重質舊史有傳當附李愬傳末不應入藩鎮篇

第一百四十二 薛延陀舊史稱鐵勒與骨利幹白靺烏羅渾別入北狄篇拔野古僕骨同羅渾契苾多覽葛阿跌葛邏祿拔悉蜜都播解薛黠戛斯皆舊史所無

第一百四十三 沙陀舊史無傳新史以國昌父子之
故特立此篇狀克用有功唐室不當以沙陀目之且
其後嗣遂有天下當從魏武晉宣齊神武則文之例
入五代史本紀則不列於唐書可也

第一百四十五 流鬼舊史無

第一百四十六上 東女舊在南蠻傳朱俱波甘棠喝
盤陀摩揭陀烏茶章求拔悉立皆舊史所無拓拔思
恭舊史亦無傳今附党項篇

第一百四十六下 安東安東曹西曹中曹石米何火
尋史小史寧遠小勃律舊史屬賓下附見勃律國卽大勃律也吐火羅

謝颺識匿箇失窰骨咄蘇毗師子皆舊史所無蓋舊史於西域南詔甚疏略不如新史之該備

第一百四十七中 六詔惟蒙舍最强蒙嵩越析浪穹
暹暎施浪五詔事舊史不載而新史有之

第一百四十七下 扶南投和瞻博室利佛逝名蔑單
單兩爨蠻烏白蠻昆明蠻西原蠻皆舊史所無

第一百四十八上 舊史無姦臣之目傳游莪舊在酷
吏傳

第一百四十八下 蔣元暉張廷範氏叔琮朱友恭皆
舊史所無

第一百四十九上 舊史無叛臣之目李筠舊附其父國貞傳

第一百四十九下 朱玫王行瑜陳敬瑄皆舊史所無李巨川舊在文苑傳

第一百五十上 舊史以安祿山史思明朱泚黃巢秦

宗權五人

附高宗保舉哲

殿卷末而不題逆臣之目蓋倣漢

王莽晉王敦桓元梁侯景之例也新史又益李希烈董昌二人皆僭帝號者

第一百五十中 舊史列傳有姚令言張光晟源休喬琳蔣鎮洪經綸彭偃七人皆仕朱泚者新史以令言

休光屢偃四人附泚傳而別立喬琳傳附以鎮與張
涉入諸叛臣之列經綸僅於泚傳一見而已此義例
之勝於舊史者彭偃議僧道避役之弊其言可采則
於李叔明傳附見之